

Ո Ր Ո Շ ՈՒ Մ

24-01-18

17-2-340

Վարչական իրավախախտման գործով գանգատն առանց բավարարման, իսկ որոշումն անփոփոխ թողնելու մասին

22.01.2018թ.

ք.Երևան

Ճանապարհային ոստիկանության պետ, ոստիկանության գնդապետ Եզրր Կարապետյանս, վերանայելով Գևորգ Փաշինյանի դիմումի շուրջ ստեղծված սյուրբորդը,

Պ Ա Ր Զ Ե Ց Ի

2017թ. դեկտեմբերի 29-ին Տավուշի մարզի Կողբ գյուղի 28 փող. 10 տան բնակիչ Գևորգ Փաշինյանը դիմում է հասցեագրել այն մասին, որ ստացել է վարչական տույժ նշանակելու մասին ԱԴ թիվ 422082 որոշումը, որի հետ համաձայն չէ, քանի որ վարելիս չի օգտվել հեռախոսակապից և ճՈ տեսուչները կանգնեցրել են անհիմն:

Դիմումի ուսումնասիրությամբ պարզվել է, որ 19.12.2017թ. ժամը 09:45-ի սահմաններում Երևան քաղաքի Հանրապետության հրապարակում քաղ.Գ.Փաշինյանի կողմից վարած «Նիսան» մակնիշի 18 GP 018 հաշվառման համարանիշի ավտոմոբիլը կանգնեցվել է Ճանապարհային ոստիկանության ՃՊԾ 1-ին սպայական գումարտակի 3-րդ սպայական դասակի տեսուչներ, ոստիկանության ավագ լեյտենանտներ Ն.Քոչարյանի և Վ.Ռուբենյանի կողմից՝ ՃԵԱԱՄՕ-ի խախտման համար, այն է՝ վարորդն ավտոմոբիլը վարելիս օգտվել է հեռախոսակապից ձեռքի օգնությամբ: Վարորդի նկատմամբ կազմվել է վարչական իրավախախտման վերաբերյալ արձանագրություն և, ՀՀ ՎԻՎ օրենսգրքի 124-րդ հոդվածի 11-րդ մասի համաձայն, կայացվել է ԱԴ թիվ 422082 որոշումը՝ վերջինիս 5000 դրամ տուգանելու մասին:

Դիմումում նշված հանգամանքների շուրջ պարզաբանումներ տալու նպատակով՝ քաղ.Գ.Փաշինյանը հեռախոսակապի միջոցով հրավիրվել է Ճանապարհային ոստիկանության ՃՊԾ բաժին, սակայն վերջինս հայտնել է, որ իր դիմումին ավելացնելու ոչինչ չունի և խնդրել է դիմումի քննարկման արդյունքների մասին իրեն տալ գրավոր պատասխան:

Ըստ տեսուչների գրավոր բացատրությունների՝ Երևան քաղաքի Արուսյան փողոցում նկատել են, որ «Նիսան» մակնիշի 18 GP 018 հաշվառման համարանիշի ավտոմոբիլի վարորդը վարելիս օգտվում է հեռախոսակապից ձեռքի օգնությամբ: Սահմանված կարգով ավտոմոբիլը կանգնեցնելուց հետո տեսուչ Վ.Ռուբենյանը մոտեցել է վարորդին, ներկայացել, հայտնել է կանգնեցման պատճառը և փաստաթղթերը: Վարորդը չի ընդունել իր կողմից իրավախախտում թույլ տալու փաստը և պահանջել է ներկայացնել իրավախախտման փաստը հավաստող տեսագրություն: Վերջինիս պարզաբանվել է, որ իրավախախտումը չի տեսագրվել, սակայն արձանագրելու համար բավարար հիմք է հանդիսանում որանց ակնհայտ լինելը:

Հաշվի առնելով, որ իրավախախտումն եղել է ակնհայտ, պարզ տեսանելի և ծառայողների տեսադաշտում՝ քաղ. Գ. Փաշինյանի նկատմամբ կազմվել է վարչական իրավախախտման վերաբերյալ արձանագրություն, որից հետո վերջինս նշել է իր անհամաձայնությունն արձանագրության մեջ, ինչից հետո ստորագրել և ստացել է որոշման իր օրինակը:

Համաձայն «Ճանապարհային երթևեկության անվտանգության ապահովման մասին» ՀՀ օրենքի 17-րդ հոդվածի՝ Ճանապարհային ոստիկանության ծառայողը պարտավոր է տրանսպորտային միջոցը կանգնեցնել, եթե ակնհայտ կամ տեխնիկական միջոցների օգտագործմամբ երևում է, որ վարորդը խախտել է ճանապարհային երթևեկության կանոնների պահանջները: Նույն հոդվածի 8-րդ մասի համաձայն՝ երթևեկության սահմանված արագության գերազանցման և տրանսպորտային միջոցների ապակիների լուսաթափանցելիության սահմանված չափի խախտումների համար պատասխանատվություն է առաջացնում, երբ տվյալ խախտումը փաստարկված է համապատասխան տեխնիկական միջոցների կիրառմամբ:

Այսպիսով, քաղ. Գ. Փաշինյանի արարքում առկա է Վարչական իրավախախտումների վերաբերյալ ՀՀ օրենսգրքի 124-րդ հոդվածի 11-րդ մասով նախատեսված իրավախախտման զանցակազմ, ուստի, ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով,

Ո Ր Ո Շ Ե Ց Ի՝

1. Գևորգ Փաշինյանի դիմումը թողնել առանց բավարարման, իսկ Ճանապարհային ոստիկանության ՃՊԾ 1-ին սպայական գումարտակի 3-րդ սպայական դասակի տեսուչ, ոստիկանության լեյտենանտ Վ. Ռուբենյանի կազմած վարչական իրավախախտման արձանագրության հիման վրա 19.12.2017թ. կայացված ԱԴ թիվ 422082 որոշումը՝ Գևորգ Փաշինյանին հինգ հազար դրամ տուգանելու մասին՝ անփոփոխ:

2. Սույն որոշման օրինակներն ուղարկել Ճանապարհային ոստիկանության վարչական գործունեության բաժանմունք և դիմումատուին:

3. Սույն որոշումը կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:

